

朱太復文集

朱太復文集卷之十五

五湖朱長春太復著

詩

七言律

庚辰二首

金陵鷄鳴山樓秋望

八月西風吹石頭
空山高閣夕煙浮
千門自鎖宮
雲靜半郭長含江氣
秋歷歷烏衣巷口樹
飄飄桃葉
渡邊舟從來帝里
豪華地東望
鐘陵獨倚樓

除夕

今幸上壽酌斟花去年守歲不在家兩經裘敝萬里
客獨倚門邊三釜嗟腹書不飽目壯壺漿欲竭後
隣賒欣欣弟妹論年字兩浥藩扉燭影斜

壬午

二首

武林城外鄭郡侯別業

鄭在時減用甫借

萋萋小圃傍城隈曲曲清池累上
停車看竹客來羣魚自戲驚波出
鴈隨呼唼
山谷口資緣今已熟相應朋友日

登任城太白樓

城邊太白樓下臨濟水清悠悠昔賢一醉已陳
迹此地千季餘壯遊日氣東浮滄海外風煙西引秦
山頭我來欲賦登興畏爾詩名不敢留

癸未

十首

送同季陸瞻甫下第還南

城邊立馬送君歸燕地風沙二月微失路自憐餘駿
骨到家誰問敝貂衣幾年同舍情何得故國三江信
漸稀

言三三
二
天子不時詢賦客未將生事老魚磯

戲為艷體賀同年方汝愚進士行娶

都下人

五陵佳客少年才初第風流動上台
絳殿朝傳題字錦翠幃夜泛合歡杯
干雲彩筆長卿賦對月朱蕭秦女臺
竄是關情沙燕子雙雙粧罷款飛來

寄酒人曹二

為問烏程舊酒徒春風潦倒唱吳歎
我來獻賦趨三殿誰共乘舟泛五湖
卒歲向知衣袷褐暮年今可飯彫胡
天涯回首窮交客獨有清狂一老夫

送衡陽別駕尤先生赴官

祝融南岳逼荆門七十二峯拱至尊雲出迥連巫峽
暗花飛直下洞庭翻宦遊此地稱仙吏作賦登高命
酒樽更說少陵祠墓在為余過訪一招魂

送閩中李外玄進士奉詔歸娶

送尔翩翩美少年黃河秋水下樓船親承漢帝金門
詔遠赴劉郎玉洞僊客散西風燕市底家居南越海
雲邊合歡知有吹簫曲明月遙看彩鳳傳

送陸伯生還松江余出令舒城兼致別

吳客瀟瀟大布衣西風搖落送將歸誰憐居壁空司
馬獨有文章似陸機秋雨孤舟何日到鱸魚八月正
初肥相思此後山城遠江北江南信使稀

登金山二首

金山兀聿水中開此日登臨獨倚臺天限東南分野
處江從楚蜀合流來楊州古郭當雲出京口秋潮拍
岸回日暮客心何事恨憑高北望只徘徊

其二

雲亭中峙最高頭俯山瞻江萬里流夕日半牕孤嶂

迥人家兩岸暮烟秋禪宮晉代丹青舊詩碣唐人苔
蘚留無限登臨懷古意海門風落使人愁

渡江

西風潮落水悠悠船簇瓜洲古渡頭入望鄉雲千里
近關心客路隔年遊海門煙接長江晦京口山紆茂
苑秋一入風塵便勞役令人川上羨操舟

赴舒城阻風江上謝周稚尊山人見慰兼問

臧晉舛博士

山人時入金陵訪博士

千船北固坐淹留十月西風楊子頭似我一官遲遠

言卷之三
口
役嗟君何事共羈愁舊都博士無書到往日懷人有
句投此去白門江外近幾時同賦鳳皇遊

甲申

九首

寄鄭太

子真高卧卞山阿別後懷君江水波詩句風流今幾
首酒杯春日醉如何天連吳下鄉雲眇地濕淮南宿
霧多小吏初來長疾病昏昏無復發狂歌

再寄鄭太允升孝廉

江南江北隔相思潦倒官情石未知惟有簿書常積

案更無形勝湯題詩山城俗古茅為屋官舍庭春草
滿池盡說安仁美年少風流不似種花時

邱報見張生師理吾先公今高明考績

五季天末絕來書萬里炎荒官况疎知是循良傳吏
政可堪潦倒雜蠻居雲中飛舄今應入堂後吹笙向
已虛梧水柯山渾不見春風日望錦江魚

吊周瑜城

今為漳荒寺

赤壁千秋吊戰場孤城此地訪周郎霸圖一盡營空
在里族無傳草自芳幾劫淫屠初地在空村樵牧晚

歌長三分江左英雄恨獨立春風思渺茫

周元孚謫無爲判官集金斗召補京兆別

駕送之

搖落逢君泚水邊酒杯幾月即離筵
嗟賈傅流遷日已見田郎入近天
此去談兵須自愛由來爲俠少
人憐江干有吏狂相似束帶低頭已一季

送舒進士李寒赴廣州郡尉

千里寒江入越分羅浮山色舊曾聞
官情莫自嫌參佐海郡由來重領軍
五嶺地偏多芮露九疑天遠隔

湘雲孤城此別無佳客裁得新詩誰寄君

壽春道中憶舍弟消息三首

舍弟向客宣城書來言發湖州

故有
末首

汝寄家書在暮秋真傳十月發湖州預欣原鳥飛相
顧須識堂萱晚獨憂官事苦予踈問寢客程遲亦早
登舟恠來久待無消息江路冬深更繫愁

其二

弱年豈慣歷風塵憶汝長途千里身見說宣城危石
嶺更愁黃落隔江濱寒天匹馬征衣短荒路孤村旅

食貧幾日風狂太無賴莫教輕易渡中津

其三

淮水河邊南望淒江行別恐客中迷熟知京口通若
口便可吳西到楚西把酒正思兄弟勸移居且得友
生携

前書約費
二同至

一季相對須開飲醉作傲傲彩舞齊

巳酉 九首

聞元亨上書被謫

秋風江口送 徵車春夜聞君又謫居

聖代中興容直諫逐臣垂老一封書歌寒易水誰相

送酒散高陽客已虛莫去苦吟湘澤畔

主恩不似放三閭

哀王無夢

不見王公醉唱詩猶聞鄉里說王癡

山人里中向號王癡

生平

嗜酒常依客死去無家空有兒草塞洞天春自寐

山人

自標合溪山曰無夢洞天

風流倒地世誰知三年死別傷吾道到

處無人可問奇

桐廬楊明府東文敏之孫舊湖太守虹澗公

棐其弟也往曾游湖會予於蘋洲李元潤家

今別五六率矣昨得書自桐廬來哀其父槐
莊公棄背不獲生受考績之封索題遺念
愴然感故賦以遺之

白蘋洲畔客曾來一見憐君海上才
令弟留傳賢刺史名家遠出舊中台
幾率花縣為官好昨日雲牋寄
我開正是空廬恨風木月中秋望不勝哀

遣愁

忽憶南湖秋水涼即看秋月更顛狂
筠帆木槳中流去櫂曲菱歌西岬長
剡水三更堪獨往伊州一弄斷

人腸兩頭酒客參差坐徹夜須教盡百觴

送鄭大允升北上會試

九月寒霜木葉疎授衣北去意何如
莫愁歲晚長爲客始及時清好獻書酒興
旅中當勉強才名海內久吹噓即官筆
札應相待已見

君王問予虛

九日二首

廬中九日浮雲白欲散未散天昏昏
已傷陟屺更無處何用登高只閉門
獨坐愁縈紫萸佩故家歡盡黃

花尊三釂一酌几筵冷欲誦招魂已斷魂

其二

重陽獨卧東溪巷去歲曾登舒縣山人事類傷違出
處秋風空復憶躋攀高天沙鴈過相叫落日城烏飛
自還菊酒延年寄將父孤尊寒暑鬢毛斑

秋游湖心亭

孤亭獨立水中開山色湖波四面回早晚魚人捉網
集晴天酒客放船來飄飄藕葉流沙渚泛泛鳬雛上
石臺廢劫不須重吊古宋陵南望已蒿萊

舊為湖心寺

入靈隱故處士李岫巖山房

竹槁花礪閑寒扉落日深山
造客稀種藥尚傳居士
隱叩鍾惟有老僧歸空留
法偈蟲行壁香絕齋厨水
落磯淨業似君今不見他
季授老欲何依

丙戌

五首

荅廬江司理馬府君長平書問

千里淮淝客宦餘人來傳到使君書
已非趨府為官
日莫問陵雲賦子虛夜月蜀山筵入夢
春風吳苑坐
愁居欲憑茗水通江水不肯西流到古廬

夏日雨後同費二重遊湖心亭

湖浮菡萏蕩舟遲亭倚垂楊暮望時雲物依然新對
酒山川長似舊題詩去秋遊湖有詩風傳妓樂過遊艇天曠
漁歌起釣絲勝地每來拚盡醉不妨明月送歸遲

重遊巾子山劉氏山樓

最憐山閣倚山頭每到西湖看未休落日正低飛鷺
嶺歸船還集釣魚洲近人花竹添新賞應客兒童識
舊遊從此願園來更熟不須問主自嘗留

聞孫世行比部上疏謫潮陽典史

孫郎年少氣如斯三載相聞被罪時諫

主一書真誓死逐臣萬里更何辭極邊尚得移家住
末官當知荷

聖慈若到韓山看海處好將投吊退之祠

蓮華莊飲文學李永嘏蓮池

城傍秋水古橫塘四面蓮華學士莊

舊是趙子昂學士莊門對

曲池如野外客來張酒忘籬傍魚翻翠蓋浮浮淨風
落紅衣冉冉香日暮似聞游女唱江南古曲意偏長

丁亥 二十二首

春雪五首

正月四日

一夜春陰結白雲孤城曉雪意紛紛紫空點地疏無
次夾霰飄風颯有聞倚岬寒林歎幾樹入籬喧雀動
成羣聖廬慘莫方無賴觸忤愁人愁更愁

其二

歲前春入雪不見歲後雪來春已訖冥冥寒侵穉柳
細垂垂風雜落梅多初飄籬岬魚猶躍忽擁河橋人
不過夜發晨書占歲事呼將隣老問如何

其三

裊裊綏綏意澹迷蕭蕭忽忽暮煙低林光風過微分
柴鳥意寒深怯不啼酒豎挈瓶來北里漁師收釣下
東溪邊城窮巷柴門閉獨引蘭生看早梨

其四

高堂不見頭如雪下里空憐雪似衣淚盡白華原草
冷望深黃竹關雲微無端寄興園中簡有意懷人市
上扉連日鄭王踪跡斷陽春獨唱和仍稀

其五

浩如秋水浮五湖朗若明月臨方壺青迷金蓋峰隱

見白蕩水晶宮有無扁舟門外客不到濁酒壚前興
自孤樓頭小婦醉擁褐恠殺紛紛啼夜烏

人曰費二德甫移酒過

人曰愁人愁索居晴雲當戶坐攤書地偏懶性無巾
櫛客到開門始埽除寒水白浮生雪菜春盤紅縷上
冰魚看君醉態狂長好頭挿梅花對月疎

早春遊玉麈山月泉亭

白日青山礧道斜沙邊草色動羣華非關聽法來依
樹自愛名泉欲駐車塢裏齋厨過野鹿竹間禪榻落

梅花寺僧不是陶公社獨傍溪橋歸路賒

送廬外翁赴部并寄舊遊諸公

離亭酒上阿翁前春發征舟下若邊
烈士莫悲終不遇為官猶喜未衰年
情親冰玉依依在路遠雲煙細細傳
金馬相逢吾有客并將詞句問談玄

贈姜司訓龍源

金華人大叅常軒先生之子

一片青氈坐冷衙風流元是出名家
喜無吏事晴開卷賸有幽情晚種花
堂後不妨頻奏管門前常欲自焚車
蘭溪酒美携仍近更許無錢鄭老賒

王時立溪上小築成與鄭大允升各賦四韻
霸王門外溪如玉愛余臨溪一室虛結構頗諳林石
趣清幽恰稱野人居城雲每日黃浮戶山鳥無時白
下渠宵許小舟乘興至竹欄東畔有園蔬

過孫太初掛瓢堂

堂外即太初墓同王時立作

金蓋山邊宿草春掛瓢堂下吊詞人數篇清曠堪吾
友一壟淒荒與寺隣客裏可憐無氏族世中難得此
風神遺文殘碣存前輩更想當年交意真

墓碑是北地李夢陽

文寓吳江右劉麟書

詩謝臧用甫遺顧渚新茶

茶經聞說渚山名月峽

山有明月峽

春風細細生纔是初

芽餘

御品

此茶以清明採進貢

宵分纖葉到孤城靈泉并

憶金沙淨

山有金沙泉

仙液真浮玉盃清他日故人揮塵

坐松濤聲落對談情

過王十伯文書齋與王大時立同集夜酌二

首之二

庭雨疎疎尊酒清故人相對十年情淹留已自慙彭

澤疾病如何卧長卿

伯文久病

種藥栽花堪獨隱藏書識

字尚知名古來著作窮愁事閉戶玄經何日成

太計後慰臧晉州博士

別來三徑憶悠悠昨見銓評動百憂
罷吏雖比官落拓才人獨惜余
風流鄭公嗜酒錢常少屈子懷君賦
盡愁豈是文章真妬命飄然四十老滄洲

費二送櫻桃札有櫻珠看摘樹頭鮮之句因
為足之成詩

櫻珠看摘樹頭鮮青葉包來絕可憐
幸未墮風圓纍纍轉因着雨淨娟娟
卽傾玉椀光浮眼想到春園色

映天明日新晴偏爛熳百壺携飲勝花前

病中簡謝鄭允升王時立

桃枝小席竹匡牀日日南牕高卧長
媿說著書成肺病空思燒藥試丹方
清羸衣怯梧風冷窸窣門閒蒿徑荒
只有故人時下榻名談擁膝對無妨

送李比部元潤先生北上

解頤匡鼎久知名白首馮唐入帝庭

天子不時過玉輦郎官未可厭承明
法曹無事吟偏好都邑頻荒吏貴平
潦倒三年湖上卧送君北望

壯心驚

秋日城南望水

城南木落已深秋
城下茫茫漲未收
碧草盡從沙際沒
青山遠向浪中浮
可憐農舍為蛟室
惟見漁竿倚釣舟
滿地飢烏啼未斷
晚來風急使人愁

喜立甫使君重過吳奉簡邀飲

曾負春風若下杯
長瞻秋月越王臺
林頭驛酒留仍在
江上褰帷喜又來
豈無山屐登高好
已備溪船逐浪迴
地僻愁多交接少
今朝吟興為君開

陳立甫遣吏遺新詩敬荅并邀立甫楚人

使君許赴草堂筵曉署新詩遣吏傳五馬光輝分借
重三湘詞賦共周旋供厨可恕貧無具投轄應知興
故偏霜白雲青中夜靜浮杯細細坐談玄

奉陳使君遊峴山同鄭允升各賦近體七言

風雨不得泛湖

霜空木落黃雲低南城峴山烏晝啼亭邊野席正依
竹寺下官船橫在溪高歌向晚谷風急欲往乘流村
雨迷百幸良集好盡興來日湖中酒更携

因便寄舒朱博士邦喜

西風十月具區波憶余逢人寄浩歌江縣雅遊今遂
遠寒官清興近如何窮愁倍覺酣歌好湖海寧期會
面多不念荒廬孤客在鹿山時有塞鴻過

戊子 十八首

送水部黃履常以使邊暫還北上兼呈座師

太史公

使星移 關赴 王程若下題詩送客行秋月曾駐
邊馬靜春風今上越帆輕欣看侍直郎官美遠慰承

家太史名庭際儻詢廬卧客二毛欲老舊門生

黃履常南還就李值病苦未一交會而履常
已歿漫作此致意

分手秋風燕市臺空廬淚盡白華哀即聞驛馬還
朝促實負溪船泛雪回病抱孤尊雙闌夢文論四海
幾人才水曹何遜多清興那處題梅折寄來

王伯文請題茅齋

森森枯木抱寒廬窮巷卑棲興有餘為圃欲栽三徑
竹下帷長著一牀書病中悟得仙人籙石下時過長

者車似金櫟真存古道他年隣築意何如

送德清明府陳岷麓赴徵北上

春日趨朝雨露邊山城鳴鼓簇官船傳聞父老吳
歌苦正是循良藻吏遷內侍合宮承顧問清班畫
省重才賢東南民力君親見擬待封章達九天

送施慕源親家赴益王召之任

壯遊莫為左官哀大雅賢王正愛才未許小山招
隱去重開脩竹待君來朝裾殿外春承寵屬騎江邊
暇可陪久憶麻姑仙酒好幾時分得賜殘杯

午日有懷初第 賜扇

當年初仕趨 朝日端午曾叨 賜扇名片月移來
前殿曉九華捧出內人清驚心節序孤臣速伏枕江
湖萬里情留得仁風

主貺在開緘披拂望承明

聞鄭大允升戒酒戲贈

詩酒相從十五年風流潦倒滯高賢空耽佳句成何
用即斷深杯更可憐歲晚江湖應獨壯家貧妻子累
常寧也知自古高陽客日醉千鍾無一錢

借得邵太白鷺居在南屏山下先此簡寄并
約令弟三姊丈

西湖之水清如烟南屏秋山更可憐借來小園幽有
致却坐魯軒清滿前夕陽秀木中峰外夜月疎鍾東
院邊肯携季子我姻婭載酒題詩泛小船

石屋洞

山深洞古空雲根秋草平蹊下有門立壁虛牕成屋
舍穿風照日別乾坤禪床新有石床僧子栖長寂棋局新有
石局仙人到幾番若使避秦知此處不將雞犬悞桃源

題夕照軒

愛余中峰峰下園簾開夕日正當軒踈踈半映雲邊
落淺淺微留竹上翻乍逐江虹明遠飲時連山月照
清尊坐來庭際如秋水風急湖昏未閉門

八月十六夜吳大虞卿索酒重泛西湖

日落湖西動水煙石槁提酒更開船故人重叢中秋
興明月還如昨夜圓嶺樹白懸危塔際寺鍾清過遠
江邊孤山翻喜無歌舞湖濶亭空坐撫絃

登吳山城頭望海

高風鐵嶺古城頭落日西陵見越州渺渺欲空江氣
晚茫茫不盡海煙秋荒涼舊苑千門寂宋太內在城下鳳皇山
撥落孤吟萬里愁知處蓬萊近秦望客心乘興欲東
遊

山雨夜坐

西湖舛頭雲欲昏南屏塔邊雨閉門九月裁縫隣舍
子三更織杼誰家村客遊悽悽倚長劍秋風淅淅吹
孤尊人生壯率不得意野火山精啼斷魂

遊集慶寺瞻宋理宗遺像

宋帝初開玉殿尊遺容亦在此山門
龍旂彷彿宸遊影金盃荒涼古墓魂

寺後閩貴妃墓在

半嶺僧鍾餘落日千秋樵徑自空村
從來賦客江南意悵望西風動野原

九日

重陽閉戶病夫家獨坐吟詩溪水涯
幾向白廬生白髮不須黃酒泛黃花
涼風暮雨增秋氣落葉哀鴻動客嗟
一滯南江身漸老每看北斗淚橫加

寄問湯太常義少

為問金陵醉太常別來好得舊時狂
錦袍泛月當何

夜長笛臨江更倚床地濶數年書曠絕家貧孤客病
淒涼逢人偶寄長相憶潮落秦淮望渺茫

寄宣城司理呂大玉繩

宛水悠悠古郭涯宛陵寒色謝公齋風流此地為官
好暇日臨江作賦佳千里乘舟堪盡興幾時把酒共
開懷身羸家難淹孤客門靜廬荒掩暮街

冬至

弈弈東溪有客愁年年長至獨登樓五湖雲物開殘
樹萬里寒風入敝裘春事屢拚過涕淚壯心無奈滯

滄洲平生懷

主羈孤意此日惟人欲白頭

朱太復文集卷之十五終

朱太復文集

詩卷之十五

七

朱太復文集卷之十六

五湖朱長春太復著

詩

七言律

巳丑

三十二首

元日二首

正旦今幸春意早驚梅拂柳動容華朝烟澹上東溪
水初日晴開小吏家尊底試浮新柏葉匣中檢點舊
枰花湖南風候催鶯燕幾歲愁人獨坐嗟

其二

登樓望遠一羈人
歲節愁隨新歲新
淚盡五湖無那
老身孤萬里又逢春
正朝曉漏開金殿
廟樂和風
紫宸何事雙鳬不飛去
白雲江渚坐傷神

夜東沈水部少卿

白蘋洲上五季卧
巷塞枯蒿少往來
自是棲遲為俗
棄欲將懷抱對君開
風雲詞賦新
郎吏山水盤遊舊
酒杯已命山妻撲醅綠
方舟溪口未須回

寄鄭允升進士初第四首之三

五雲瑞列南宮啓三殿臚傳

北極尊文物此時開草野聲名一日動乾坤獨憐廬
舍孤臣影正想臨軒

天子恩拔擢壯年無寸效彈冠西望欲銷魂

其四

花落江南對酒卮金門萬里到書遲請看曉漏朝
君日正是春風憶友時意氣即驚豪客坐風騷雅與
古人期百年感慨求同調今日如公更得誰

大隱園

題陳立甫園八詠之一

太丘名德楚詞臣玉樹翩翩更出塵
買地一丘當郭畔為園五柳照江濱
丈人抱甕客來往漁父滄浪可接隣
真隱不須論大小從來簪紱有松筠

遠觀樓

題陳立甫大隱園八詠之四

三楚煙平南紀秋登樓目盡大江流
巫雲澹闇騷人賦渚佩蒼茫漢女游
清嘯陵風向縣圃孤琴明月對滄洲
一經吏隱稽山遠海市茫茫動客愁

清暉樓初成五首

城西山水發清暉城畔新開樓勢微
落日長臨天目

下白雲時際太湖飛初巢燕子頻窺戶夜宿漁人近
傍扉嚳昔林泉抱高意結廬稍喜興無違

其二

乘高秋宇霽雲寬望極西風爽氣寒半郭孤烟橫地
出衆山秀致入牕看雨疎城上行人小月白溪邊落
木殘每日坐會心隱遠此身猶覺礙微官

其三

曾軒結構俯溪流何似烏程舊水樓古木平臯風娜
娜游魚寒渚日悠悠敢言作賦千年事自恠悲秋萬

里愁未老雄心降未得滄洲獨坐媿沙鷗

其四

平生僻性違人用傍市荒居少客通沙檻朝來翻野
鶴村杯夜許過隣翁小琴獨坐延孤月長笛誰家送
遠風尚恨詞名竊前輩傍人錯比水晶宮

塘

趙學士宮
在郡城橫

其五

小樓風物足生涯三十餘年此是家木榻貯書數萬
卷水籬供釣一孤槎風塵未遂閒居興身世長羈懷

上嗟皮几竹冠初服在擬將投老坐烟霞

九日同客登釣魚山六體六首之三

悲秋海畔滯風塵令節山頭強此身白髮幾年侵病
客黃花今日咲羈人霜楓漠漠菰城際宿鴈淒淒若
水濱且插茱萸鬪強健西風壯士莫傷神

送張都諫座師慎吾先生赴謫閩中

先生此別意何如酒後蒼茫獨上車萬里遷人行向
暮一封憂國恨常餘江邊帆色寒潮小海上猿聲
夜月疎未必

君王忘汲孺不須流涕續騷書

初抵潯墅關訪李升玄使君會使君虎丘之
遊不遇歸聞使君遣數騎闔門相覓東此致
謝

不見郎官近十率山陰夜興到關前差池物色城門
騎悵望酣歌山寺慈舊蹟長洲遺勝地寒風遊客未
迴船遲將李白江東興明日蘇臺共醉眠

虎關夜月飲李使君署使君期遲陸大震卿
不至

湖南獨卧違交際海內相從此客遊落落江風吹署
裏娟娟寒月照關前淹留語入清宵好潦倒狂憑故
舊憐何事士衡招不到三更鶴唳正悽然

戲代內盧寄問留吳買妾

開篋縫裳問客遊青絲朱舫去悠悠君邊明月黃金
谷妾處寒風綵鳳樓獨上殘機不成匹誰言故劍肯
相求清歌子夜今何處若個含情竟莫愁

答內

夜來冰雪歎離居朝得湖南思婦書錦字盤中呼伯

朱大溪文集 卷之十一 五
玉白頭吟裏怨相如也知桃葉渡江晚政憶簫聲對
月虛不信但看衣上結纏綿猶是故情餘

吳門懷古八首

吳趨一曲越溪頭遊子支離繫客舟漸老窮愁天地
在殘年悵望古今愁闔閭城上黃雲莽范蠡湖邊白
浪浮遺事千秋不堪問西風回首正登樓

其二

泰伯高風久廓寥廟前殘石對平橋率深古砌無高
木日落空江自晚潮千載行人詢舊里三吳文物託

前朝可憐季子同祠像一邇興亡恨未消

其三

伍胥門外越城高戰伐深悲相國勞一死竟餘吳地
沼孤魂猶怒浙江濤紅顏浣女隨流水白髮漁翁伏
寶刀烈烈平生報讐氣蘆中歌罷使人豪

其四

要離墓頭枯草根專諸巷口暮雲昏可憐一諾焚妻
子正想千軍窟室門身借報讐呈劍術名留刺客荅
君恩江南俠氣千年在白日誰招幽鬼魂

其五

多少紅顏不見知，偏教絕代說西施。
春風浣石行游跡，夜月鳴廊歌舞時。
一去扁舟亡國恨，五湖烟水美人思。
芳魂玉骨歸何處，怨入吳宮楊柳枝。

其六

遙憶吳王破越回，百花洲上錦帆開。
軍人獵犬乘秋疾，美女蓮舟入夜來。
寒日菰蒲淒茂苑，昔年楊柳傍荒臺。
傷心遊客江東恨，霸氣黃池安在哉。

其七

廓落長憐陸士衡洛中二隲早馳名一時詞賦生無
敵四海兵戈死未平舊姓淒涼難問族後人文藻正
含情古來才大多招忌愁絕華亭夜鶴聲

其八

關內胡塵暗不開江東少兵歸去來扁舟蓴菜白雪
縷八月鱸魚秋水鰓作詩不多有獨韻嚴官一往無
相猜也知人生適志耳昨日銅駝今草萊

李使君舛玄以阻冰携酒寒山寺遣騎邀同
陳公衡永嘉令同年顏左史範卿夜集同用

清字

陳顏俱海上人

寒江冰合斷人行野寺遙開走馬迎吳越風流今夜
集天涯鼎酢故交情疎疎月外漁燈淺細細林中僧
枕清小監鳴箏歌子夜當杯一曲壯心驚

次日外玄同左史訪公衡暨予於閭門船次
予復留酌客舍會外玄夜以事還關署因嘲
之同用十一真

昨夜酒杯野寺親今朝繫馬更水津挾琴竹下尚餘
興沽酒客中敢謝貧朱樓寶瑟誰家女白月吳歌漁

父隣未必便成輕薄尹從來傾倒向何人

吳園同李使君并玄觀孔雀使君請予賦七

言一章

珍禽南海不凡才誰遣虞羅入苑來躑躅向人嬌影
惜離蹤照日翠屏開一身自負文章好萬里寧招鳥
雀猜長翮秀衿愁老去雲霄高舉忽悠哉

閬門贈屠長卿

白毫黃冠髮欲皤倦遊可奈故人何一官放逐名長
好岳老詩篇愁更多分手十幸歡此遇繫船斗酒好

相過江湖予亦淹留者拔劍燈前為楚歌

除夕二首之二

元日立春

今年除夕逢年盡小市東風逐夜回
爐底寒尊浮翠栢軒前高燭照紅梅
舊來莫恨長留滯春到還須縱酒杯
拂劍狂歌問妻妾平生報

主尚雄哉

庚寅

四十

元日二首之二

是日立春是春公除

春王正月屬今朝人事天時喜倍饒
風俗一杯除涕

淚衣冠元會望雲霄好携孤劍趨強仕擬試微官荅
聖朝同輩十年都要路豈能獨老對漁樵

雪霽江士類劉令名買船泛西湖二首

南屏白雲入暮微西冷古木澹霏霏水含落日開遊
舫雪滿青山照客衣有興烟波乘獨往故情尊酒得
相依浦梅砂鳥親人在嘯咏衝寒未擬歸

其二

積雪凝山靄早春諸峯暮色正娛人且乘雪興泛湖
好莫厭山屨送酒頻水木離離孤郭際鳬鷺蕭蕭斷

梅濱歡遊未反王猷艇盡醉休羞陶令巾

散步會稽郡治得登鎮越堂春望因懷郡丞
理吾張先生之作

張方借署諸暨

越王臺殿枕山暝山郡猶遺鎮越臺秦望日迎晴雪
出禹陵春帶海烟開雲浮仙氣金銀眇俗化文身王
帛來此地從來巖壑興蘭亭不見右軍杯

本謁張師
借署諸縣

不值

赴諸暨道中先寄座師會稽郡丞張理吾先
生五首

宿雨駟車出白雲諸山縣色望嵐縕得看花姥詢西
子為逐春風訪右軍巘壑頗娛遊客意風光欲遣使
君聞村花冉冉溪光遠古道悠悠日氣欣

其二

萬壑高林發曉陰平湖涼色正沉沉人過諸塢寒烟
淺馬渡乾溪春水深半蓋借分花縣政青衿遙憶樹
桃心懸知張禹笙歌在今日升堂更聽琴

郡丞張先
生乃予鄉

書舉

其三

日出林烟處
歲新物華晴
望轉怡神稽
山雪積開秋
月芽少雲生
映早春黃鳥
谷深藏樹細
梅花風過落
江頻遠遊
識佳山水
一一書牋問主人

其四

行近江湖浴日微
田看滄海白雲飛
土風僻境人尤
古農事春新牛
正肥行李他鄉
莫愁困師生勝
地好相依蘭溪
美酒厨應有
七十湖頭未擬歸

諸暨有七十二湖

其五

黃帝臺邊別若何

張師以庚辰春別于燕中

美人湖畔此重過
未

愁落拓青雲滯且恐風塵白髮多
今夕尊前憑細語
十年洛下憶高歌
山風澗暮馬蹄急
喜見城頭江水波

舟下西江懷別張郡丞座師

朝雨山城別使君
孤舟不下惜離羣
行迷東越江千樹
眼斷西施灘外雲
尊酒中宵何地再
風塵一去隔江分
他年縱蹶山陰興
安得蘭亭有右軍

送鄭允升明府赴安仁

行計鳴琴到越東
桃花政好照車紅
新詩遙想才人

作妙政還傳循吏風原難聲中百里靜仙鳬影外五
雲空可知潘陸時名並先後弦歌興許同

王觀察經師槐亭先生載酒邀登峴山見送

北上

驛前楊柳拂溪流別宴青山上客舟碧院鳴琴春寂
寂玉湖對酒晚悠悠行看烟樹牽鄉思欲赴風塵戀
舊遊便與先生東道遠絳紗清樂繫人愁

吳關夜飲李州玄臨別再贈

寒冬夜雪屢高筵今日春杯更繫船脩竹蕭條官署

在暮江寥落客牀懸壯遊久滯身多病俗吏才疎世
豈賢明日度關携劍去折腰何處向人憐

過錫山乘小船遊第二泉之作

第二泉頭春色深林光石氣靄陰陰白雲曲塢藏僧
舍初日空山靜客心枉道經過乘旅興扁舟淹泊試
微吟平生到處貪遊賞未許浮名累此襟

登金山寺與湯敬先舍弟明言別二首之二

江上孤峰倚棹登遙看落日暮江澄汀沙歷歷分京
口烟樹蒼蒼出廣陵岐路殘尊依小弟風塵浪跡坐

高僧潮來兩岼長千曲行客茫茫意不勝

維揚徐太守止飲官署談故有作

太守故官廬江子其

舊吏也

維揚驛口夜潮回太守臨前白鶴來地合江淮雙使

節情追郡縣數行杯提推後進恩常好留滯頻率髻

欲摧此去飄零老從事雨將狂氣向誰開

高郵州遇給事沈十三性甫南下停舟暫話

即別

漢署趨陪歲已遙邗江舟楫偶相邀蒼茫岐路談難

盡忽漫離亭帆更飄風急我乘淮水渡月明君下席
陵潮望鄉今夜兼懷故夢入相思到兩蒼

翰林學士黃葵陽座師先生請告南下久遲
不至

謝病深知學士悲還山何似侍

君時恠來驛路官舟滯猶是江湖魏關思公輔望高
名下忌風波謔逐影中疑相逢欲剖心相報國士啣
恩舊是誰

儀部陳大立甫告病南下夜停舟會於桃源

向疑立甫已還邂逅津途尊酒談故情溢手

辭

錦纜相邀宿暮雲桃源縣口忽逢君官亭漠漠遲歡
會驛樹蕭蕭解惜分長夜清燈憑話舊大河涼雨照
論文淹留為盡卽官酒明日離歌誰更聞

上投河道御史大夫潘公

漢爵中臺列上卿禹功四載並高名黃河五月輸漕
穩白首三山鎮節榮膠漆近延公子願吹噓舊荷
尚書情

公故為司寇子以進士久膺試拔

懸知早晚山公入肯使泥

塗滯後生

聞司寇潘公奉 詔祠泰山禱雨喜望之作
聞 詔尚書走岱宗

至尊憂旱禮東封壇烟廟樂浮三觀寶籙名香下九
重豈有晴雲生漢時便應風雨滿秦松孤舟日夜喧
隣哭一想甘霖慰老農

早朝午門作

五夜仙雲結露盤九門衛甲散星寒省槐娜娜迎朱
珮閣燕飛飛遶玉闌

聖主近御勤中殿席小臣班阻外朝官十年浩蕩江湖想一望銅龍拭眼看

同門集於錦衣鄭二兄弟有作呈諸公

諸公舊有

此會予以赴補暫與喜溢乎辭○有序

宴集同門清時雅舉因緣偶坐欣感橫心日維暑也雨以颯然北極之雲初浮西山之景夕淡將軍西第戟楚楚以臨庭名客東曹馬斑斑而在戶解衣盤薄有酒綢繆高論暘於亥風聚賢占於德曜一時珠玉誰價重於南金他日封疆獨神搖乎北

首鳥之求友人豈忘知謀成七言志懷三益奚徵
永好之報無負同氣之求

上客青絲白玉鞭將軍朱第綺羅筵西山暮雨開林
際北闕浮雲度酒前契闊久思高會好追陪暫託
故人緣清時宴賞誰無戀醉指明河望九天

碧雲寺感事

禪宮雲近九天開聞說山經萬乘來碧澗龍旂留
御座玉梁魚藻照春杯天書此日瞻亭榭講座當
時想扈陪貳是小臣留滯久太平欣望事悠哉

西山聞補吏冒雨歸

雨滿西山湖氣虛歸鞍衝濕意何如自憐官事羈人
早頗覺游情戀物餘地主空勞供騎鯨此身終愧滕
緣疎迂狂丘壑宜相傍借問何年得遂初

代送水部郎孫公使清江便道歸省

羣公祖帳出 都城秋日即官結綬行 詔典水衡
分使節路經海雨濕離旌洛陽鄉樹瞻依地淮口孤
潮客宦情聞說庭闈尚強健知君心未厭承明

出 都又作

朝辭衝雨出 皇州此道十季走未休自媿微才猶
作吏那堪去 國更悲秋簿書碌碌空催老城關
悠悠遠繫愁連日秦中烽火至小臣倚劍亦多憂

得李司農外玄自德州河過遣騎卒馳書相
問兼致詩章

孤城騎卒奉牋過前夜知君渡衛河却恠一官羈會
面那堪片月寄離歌吳門縱飲狂難再漢署趨陪遠
奈何聞說相如近羸瘦正憐消渴著書多

書來秋病
骨立

邊將八首

隴右兵戈竟若何
燕中消息轉多訛
湯傳都護初清塞
復道單于夜渡河
諸將好今思李廣

至尊勞獨問廉頗
泥丸百二神州地
莫使秋風獵馬

過

虜陷洮河
主上御閣召輔臣問將

其二

黃河磧裏種蕃鶻
莽刺川邊雜虜梟
十萬橫行秋馬健
五千陷沒戍城蕭
見傳太守親乘障
無復將軍逐射鷗
雪恥犁庭今日事
漢家須用霍驃姚

副將李聯芳以師五

千集虜戰況

其三

回首雲中久候機護羌將士解戎衣
名王屬部今反復牧馬和親有是非
國計百率須一戰邊城累月

已重圍寄言經畧西司馬好奪燕然勒石歸

時遣大司馬鄭

公經畧西邊

其四

中宵轉戰大軍奔兩月匈奴出鴈門
胡馬盡駭歸馬壯塞人還得幾人存
黃沙古磧征夫骨白月南城思婦魂
滿地蕭條

君不見猶聞將士乞殊恩

其五

昨日詔書曾嚴市早時將今已開關黃金白繒紛
需索悵飲筵歌自尋閒天下供儲荒歲後朝廷恩
遇用兵間諸公戮力同扶國莫使長駟近紫山

其六

荒雲莽蕩入邊愁借問西征久逗留推轂安危天下
寄運籌倚重大臣謀材官新募千金士裨校高懸萬
戶侯師出有名兵氣壯為

君立斬郅支頭

其七

漢家陵關近長城逆虜先年屢震驚將相盡貪休旦
夕犬羊誰敢問縱橫明珠夜月闌過塞美女秋風唱
滿營回首羽林年少盡請纓空見說書生

其八

處處沙場少健兒紛紛幕府事堪疑朝宣廟捷封侯
早暮檄軍書滅虜遲國令亟須明賞罰將軍莫更
恃恩私小臣眼暗談兵錯白草青烟望揔悲

九日縣中卧病作

今朝寥落杯中酒宿病羈孤海上城苦厭黃花侵客
思未教烏帽惱官情江關弟妹書難得胡羯兵戈警
未平總覺悲秋耐留滯西風萬里意縱橫

病中得樂廣文之初書

朝來擁褐坐支頤官署秋高木落時多病卧長悲作
吏故人書到問題詩海邊縣僻無山水天上交疎枉
夢思宿昔風流銷欲盡唯餘嬾情報君知

費二歸寄舍弟

白鴈南飛日念君惠連詩句未相聞中季倍覺分離
苦萬里鄉堪疾病殷雪裏舊園思對酒海邊小國卧
看雲故人歸到憑傳語頭髮秋如落葉紛

長至

冬日長至日初長遠在海東拜御床陽和萬物轉
生氣天地孤臣滯此方幾時雲漢雙履入昨日江湖
兩鬢蒼簿書十年竟何事烟塵四塞意倉皇

渤海王公子嘉植歲暮從遊酌之贈言

皓雪空城北海濱一官寥落坐風塵敢勞束帛過佳

客若問文章
媿古人庭有懸魚供具薄
才憐倚馬製
詞新帳中書籍平生
在早晚過浞邑是隣